

Kroz tehničku saradnju i novčane zajmove, JICA pruža podršku Bosni i Hercegovini (BiH) u oblastima zaštite životne sredine i razvoja privatnog sektora. Zbog složenosti ustavne strukture i dva entiteta prisutna u centralnoj vlasti, JICA također prepoznaje važnost pružanja podrške poboljšanju multietničke saradnje.

PROJEKT IZGRADNJE ODSUMPORAVANJA DIMNIH GASOVA ZA TERMOELEKTRANU UGLJEVIK

Shema: Zajam u jenima
U/Z: oktobar 2009.
Partnerske organizacije: Termoelektrana Ugljevik

Termoelektrana u Ugljeviku, izgrađena 1985. godine, nije prilagođena strogim EU ekološkim standardima u pogledu emisije SO₂. Očekuje se da će projekat smanjiti količinu sumpora u dimnim gasovima koji uzrokuju znatnu kontaminaciju vazduha. Instalacija odsumporavanja dimnih gasova pomoći će ispunjavanju zahtjeva EU u smanjenju SO₂ u termoelektranama na prihvatljiv nivo od 200 mg sumpor-dioksida u dimnim gasovima po kubnom metru do 2023. godine.



Izgradnja postrojenja za odsumporavanje dimnog gasa

PROJEKT USPOSTAVLJANJA I PROMOCIJE MENTORSKE USLUGE U MALIM I SREDNJIM PREDUZEĆIMA NA ZAPADNOM BALKANU (FAZA 2)

Shema: Tehnička saradnja
Projektni period: septembar 2017. – august 2020.
Partnerske organizacije: Ministarstvo vanjske trgovine i ekonomskih odnosa (MOFTER), Federalno ministarstvo razvoja, poduzetništva i obrta (MODEC) FBiH i RARS Republike Srpske, Sarajevska regionalna razvojna agencija (SERDA)

Projekat ima za cilj uspostaviti "Sistem mentorskih usluga" u kojem mentori pružaju praktične savjete malim i srednjim preduzećima za rast njihovog poslovanja. Ovaj sistem zasnovan je na japanskom iskustvu državnih savjetnika za mala i srednja preduzeća koji su dobili certifikat od vlade. JICA je započela prvu fazu Projekta u Srbiji 2008. godine; proširila ga je na Bosnu i Hercegovinu (BiH), Makedoniju i Crnu Goru u fazi 2 Projekta. BiH nastoji proširiti mentorsku uslugu na cijelu zemlju i uspostaviti sistem trenera.



Novocertificirani mentori

PROJEKT ZA IZGRADNJU POVJERENJA PUTEM TJELESNOG ODGOJA U BIH

Shema: Tehnička saradnja
Projektni period: novembar 2016. – oktobar 2020.
Partnerske organizacije: Agencija za predškolsko, osnovno i srednje obrazovanje BiH (APOSO), Ministarstvo obrazovanja, nauke, kulture i sporta Hercegovačko-neretvanskog kantona (MONKS HNK), Sportski savez Grada Mostara (SSGM)

U periodu od 2005.-2016. godine, JICA je podržala rad domaćih obrazovnih vlasti na usaglašavanju i modernizaciji nastavnih planova i programa (NPP) iz informatike za sve srednje škole gimnazijskog usmjerenja u zemlji. Elementi ovog inoviranog NPP-a su potom uvršteni i u

Zajedničku jezgru nastavnih planova i programa (ZJNPP) za

te h n i č k o obrazovanja i informacijske tehnologije Agencije za predškolsko, osnovno i srednje obrazovanje u BiH.



Dio obuke nastavnika o načinu provođenja zajedničkog osnovnog nastavnog programa (CCC)

Svojim novim Projektom iz naslova, JICA nastavlja saradnju sa APOSO-m na izradi ZJNPP iz domene tjelesnog i zdravstvenog odgoja.

Po okončanju tog procesa, a u saradnji sa Ministarstvom obrazovanja, nauke, kulture i sporta Hercegovačko-neretvanskog kantona, Projekat pruža podršku izradi inoviranog NPP-a za tjelesno obrazovanje, zasnovanog na ZJNPP i ishodima učenja.

Gradska vlast Mostara je ujedno prepoznala priliku da snagu sporta stavi u prvi plan u cilju daljeg promovisanja tolerancije i jačanja međuljudskih odnosa unutar etnički raznolike lokalne zajednice. Projekat je tako učestvovao i u daljem razvoju institucionalnih kapaciteta Sportskog saveza Grada Mostara, te skupa s njima organizovao nekolicinu sportskih inicijativa, promovišući socijalnu uključenost, različitost i pravičnost.

RAZVOJ JAVNOG PRIJEVOZA S CILJEM POVEĆANJA MOBILNOSTI STANOVNIŠTVA I SMANJENJA ZAGAĐENJA VAZDUHA U KANTONU SARAJEVO

Shema: Tehnička saradnja
Projektni period: 2020–2023. (planirano)
Partnerske organizacije: Ministarstvo saobraćaja Kantona Sarajevo

Kanton Sarajevo u Bosni i Hercegovini (BiH) ima problem zastjarelog javnog prijevoza (tramvaja, trolejbusa i autobusa) i sve većeg broja automobila. To je jedan od glavnih uzroka zagađenja vazduha u gradu.

Kao odgovor na zahtjev Vlade BiH, JICA je

pokrenula Anketu o prikupljanju podataka o javnom prijevozu sa ciljem da doprinese formuliranju transportne strategije u Kantonu Sarajevo, koja naglasak stavlja na javni prijevoz analizom trenutne situacije i pitanja usmerenih na njeno unaprjeđenje.



Tramvaj u Sarajevu

O AGENCIJI JICA

Japanska agencija za međunarodnu saradnju (Japan International Cooperation Agency – JICA) pomaže i podržava zemlje u razvoju kao izvršna agencija japanske Zvanične razvojne pomoći (ZRP).

U skladu sa svojom vizijom “Voditi svijet s povjerenjem“, JICA podržava rješavanje pitanja zemalja u razvoju i zemalja u tranziciji koristeći se najprikladnijim alatima različitih metoda pomoći i kombiniranim pristupom orijentiranim na region, zemlju i probleme.

JICA je zadužena za administraciju svih ZRP-ova, kao što su tehnička saradnja, finansijska i investicijska saradnja i bespovratna sredstva na integriran način, osim doprinosa međunarodnim organizacijama. JICA, najveća svjetska agencija za bilateralnu pomoć, posluje u preko 150 zemalja i regiona i ima oko 90 kancelarija u inozemstvu.

Tehnička saradnja

Za razvoj ljudskih resursa i formuliranje administrativnih sistema zemalja u razvoju, tehnička saradnja uključuje slanje stručnjaka, osiguravanje potrebne opreme i obuku osoblja iz zemalja u razvoju u Japanu i drugim zemljama. Planovi saradnje se mogu prilagoditi širokom spektru pitanja.



Projekat jačanja samopouzdanja kroz tjelesni odgoj



Projekat uspostavljanja i promocije mentorske usluge u malim i srednjim preduzećima na zapadnom Balkanu (faza 2)



Obuka u Japanu: Razvoj politike recikliranja

Finansijska i investicijska saradnja

ODA ZAJAM

ODA zajmovi podržavaju zemlje u razvoju kroz dugoročna i koncesijska finansijska sredstva sa niskim kamatama. ODA zajmovi koriste se za infrastrukturu velikih razmera i druge vidove razvoja za koje su potrebna znatna sredstva.

INVESTICIJSKO FINANSIRANJE PRIVATNOG SEKTORA

JICA podržava ubrzanje ekonomskog/društvenog rasta zemalja u razvoju kroz privatni sektor, putem ulaganja u dug i kapital za razvojne projekte privatnih kompanija.



Projekat izgradnje odsumporavanja dimnih gasova za termoelektranu Ugljevik

Bespovratna sredstva

Bespovratna sredstva su finansijska sredstva data zemljama u razvoju koje imaju nizak nivo prihoda, bez obaveze otplate. Bespovratna sredstva koriste se za poboljšanje osnovne infrastrukture kao što su škole, bolnice, vodovodni objekti i putevi, kao i dobijanje zdravstvene i medicinske njege, nabavku opreme i druge zahtjeve.



Žuti autobusi poklonjeni Gradu Mostaru

Pomoć u katastrofama

Istraživanje

Saradnja kroz učešće građana



O KANCELARIJI ZA BALKAN AGENCIJE JICA

Osnovana 2006. godine u Beogradu, Srbija, Kancelarija za Balkan agencije JICA pokriva Albaniju, Bosnu i Hercegovinu, Kosovo*, Crnu Goru, Sjevernu Makedoniju i Srbiju. Kancelarija za Balkan agencije JICA pruža pomoć za rast i stabilnost zemljama regiona, radeći uglavnom u oblastima očuvanja životne sredine, razvoja privatnog sektora i konsolidacije mira.

*Japanska vlada priznala je Kosovo kao nezavisnu zemlju 18. marta 2008.

Posljednja izmjena: decembar 2019.



KANCELARIJA ZA BALKAN JAPANSKE AGENCIJE ZA MEĐUNARODNU SARADNJU

Poslovni centar UŠĆE, 17. sprat,
Bulevar Mihajla Pupina 6, 11070 Beograd, Srbija
TEL: +381-(0)11-2200-750

FAKS: +381-(0)11-2200-761

www.jica.go.jp/balkan/english/office/index.html

Facebook: www.facebook.com/jicabalkanoffice/